

solvitur; solutio colata et vaporando ad pelliculam consumpta cum *Aquæ destillatæ* frigidæ duodecima circiter voluminis sui parte commiscetur et quam citissime, inter continuam liquidi agitationem, refrigeratur. Pulvis crystallinus, hoc modo ortus, cum *Aquæ* frigidæ parva copia abluitur et deinde siccatur. Quod si non plane albus sit, denuo simili modo purificatur.

Qui in muria et aqua lotionis manet Nitras, vaporando et refrigerando recuperatur.

Oleum Amygdalarum
OLEUM AMYGDALARUM.

Rec. *Amygdalarum dulcium*, non rancidarum, quantum vis.

In mortario lapideo vel ferreo contusis et sacculo inclusis, exprimitur oleum, prelo primum frigido, postremo aquâ fervente calefacto, post quietem a facibus colatione separandum.

Oleum, frigide expressum, separatim servatur.

OLEUM CACAO.

Cacao de Caracas semina, quot placet, leni igne torrentur, ut eo facilius a cortice mundari possint. Dein in pulverem comminuuntur et in olla ferrea cum *Aquæ destillatæ* sufficiente quantitate coquuntur, ut oleum separetur; tum, aquâ refrigeratâ, oleum concretum eximitur et loco calido per colum chartaceum trajicitur. In capsulis ferreis, stanno obductis, refrigeratum denuo concrescit.

OLEUM CANTHARIDUM INFUSUM.

Rec. *Cantharidum contusarum* uncias duas, p. 1.
Olei Olivarum communis uncias octo p. 4.

Digeruntur, ope balnei vaporis, in vase vitreo per horas viginti quattuor; colatur deinde oleum, primum exprimendo per linteum, tum per chartam, et servatur.

OLEUM CHABERTI.

Oleum anthelminticum. Oleum Cornu Cervi terebinthinatum Ph. Veterin.

Rec. *Olei Cornus Cervi empyreumatici* unciam, p. 1.
Ætherolei Terebinthinæ depurati uncias

tres p. 3.

Quibus retortæ vitreæ immissis, adjuncto excipulo, destillatione eliciuntur unciaë tres (p. 3), in vasa vitrea parva, bene obturanda, statim immittendæ atque loco obscuro servandæ.

OLEUM CORNUS CERVI EMPYREUMATICUM RECTIFICATUM.

Oleum animale Dippelii.

Rec. *Olei Cornus Cervi empyreumatici*,
Carbonis vegetabilis præparati, singulorum
 par pondus.

Mixta in retortam vitream tubulatam injiciuntur, et oleum igne lenissimo destillat, quamdiu destillatum colore caret.

Quod destillavit, si flavidum habet colorem, modo præscripto iterum purificandum est.

In lagenis vitreis, perparvis ac bene clausis, loco obscuro, servatur.

✂

OLEUM CROTONIS.

Rec. *Granorum Tiglii*, in pulverem grandiusculum redactorum, uncias sex,

Spiritus concentrati quantum satis.

Grana Tiglii in apparatu idoneo, qualis ad Acidum quercitanicum præcipitur, Spiritu extrahuntur. E liquore spirituoso destillatione elicitur Spiritus, ad aliam talem operationem conservandus; quod vero restat oleum, per dies aliquot, ut Spiritus omnis avolet, seponitur et deinde colatum servatur.

OLEUM FILICIS MARIS.

Extractum Filicis Maris æthereum.

Rec. *Filicis Maris radice*, recens siccata et in pulverem redacta, quantum vis,

Ætheris sufficientem quantitatem.

Pulvis radice *Æthere* ter quaterve extrahitur in apparatu idoneo, ita instructo, ut ad Acidum quercitanicum jam monitum est. *Æthere* deinde e liquoribus æthereis per destillationem elcito, residuum in balneo vaporis ad consistentiam mellis comminuitur et in lagena, amplo orificio prædita atque epistomio vitreo munita, servatur.

OLEUM HYOSCYAMI INFUSUM.

Rec. *Hyoscyami foliorum recentium* libram, p. 1.

Olei Olivarum communis libras tres p. 3.

Digeruntur leni calore, inter assiduam agitationem, per duodecim horas. Oleum exprimitur, colatur et servatur.

OLEUM LINI FRIGIDE EXPRESSUM.

E *Lini seminibus* eodem modo exprimitur, atque Oleum Amygdalarum, sed prelo semper frigido.

OLEUM OVORUM.

Ova gallinacea recentia, quot placet, coquantur, ut penitus indurescant; dein vitelli eximuntur et comminuti, in lagena clausa, interdum agitanda, cum *Ætheris* sufficiente quantitate macerantur per horas duodecim. Solutione æthereâ defusâ, residuum cum nova *Ætheris* copia est macerandum, donec omnis, quæ quæritur materia, evocata sit. Liquores commixti ad *Ætherem* recuperandum destillant; deinde quod restat in balneo vaporis liquatum detinetur et, quum ne vestigium quidem *Ætheris* observare licet, per chartam trajicitur. In lagenis haud magnis, bene obturatis, loco frigido servatur; ubi dabitur oleum, lagena antea calefacienda est, ita ut nulla olei pars concreta sit.

OLEUM SUCCINI EMPYREUMATICUM
RECTIFICATUM.

Oleum Succini crudum eodem modo, atque *Oleum Cornus Cervi empyreumaticum*, rectificatur.

§

OPIUM DEPURATUM.

Extractum thebaicum. Extractum Opii gummosum.

Opium levanticum, contusum et in frustula minuta dissectum, cum sextupla *Aquæ destillatæ* frigidæ quantitate per duodecim horas maceratur; Opio deinde, agitando cum spathula, quantum fieri potest, in liquorem dispersito, fit de novo per horas duodecim maceratio. Solutum, fortiter expressum, per lintenum trajicitur; resi-

duum vero cum sextupla Aquæ copia iterum maceratur solutumque colatur. Solutiones mixtæ in balneo aquæ evaporant ad consistentiam extracti, quod in octuplo Aquæ destillatæ pondere denuo solvitur. Jam miscela, ut subsidat, seponitur, quo facto liquor denuo colatur, in balneo vaporis ad siccum redactus pulveratur et in lagena, probe obturanda, servatur.

OPODELDOC.

Linimentum saponato-camphoratum.

Rec. *Camphoræ depuratæ* unciam unam et dimidiam, p. 12.

Saponis e Butyro uncias sex, p. 48.

Spiritus concentratî libras tres, p. 288.

Digeruntur in vase clauso, interdum agitando; solutioni adduntur

Ætherolei Thymi,

Olei Origani cretici, singulorum drachma, p. 1.

Olei Rosmarini uncia dimidia, p. 4.

Ammoniacy caustici uncia duæ et semis p. 20.

Liquor, etiamnunc calidus, in lagenas altas, ore amplo præditas, colatur, quæ suberibus probis statim obturantur.

OXIDUM FERRICO-FERROSUM.

Æthiops martialis præcipitatus.

Rec. *Acidi Vitrioli* unciam unam et semis, p. 3.

Sulphatis ferrosi uncias decem, p. 20.

Aquæ destillatæ uncias viginti vel plures p. 40.

Calefiunt in vase vitreo vel porcellaneo amplo inter agitandum, usque dum ebulliant; tum sensim et guttatim admiscetur

Aqua fortis,

ferroxid. oxidul.

donec color liquoris badius evanuerit et ferrum omne oxydatum sit, cavendo tamen, ne major, quam requiratur, Aquæ fortis copia addatur. Solutio deinde refrigerata Aquâ destillata diluitur et, additâ solutione, e

Sulphatis ferrosi unciiis quinque . . . p. 10.

et *Aquæ destillatæ* unciiis quindecim . . p. 30.

confectâ, cum solutione *Sodæ depuratæ* excedente præcipitatur; quo facto miscela, inter assiduam agitationem, in vase ferreo mundo coquitur, donec effervescencia cessaverit et præcipitatum in pulverem subtilem, nigrum, conversum sit, qui, colo collectus et bene lotus, exprimitur, celeriter siccatur et in vase clauso servatur.

§ *Mg* OXIDUM HYDRARGYRICUM.

Mercurius præcipitatus ruber.

Acidum nitricum dilutum cum *Hydrargyro destillato* coquendo digeritur, et solutio saturata in vase vitreo vel porcellaneo ad siccum vaporat. Massa sicca, in pulverem tenerrimum contrita, cum

Hydrargyri destillati duobus ponderis sui trientibus

intime et usque ad plenam *Hydrargyri* extinctionem conteritur. Quo facto massa in crucibulo argillaceo, inter carbones, qui jamdudum ab omni parte, ne nimis augeatur ignis, accensi fuerunt, uritur, inter continuam cum bacillo figulino agitationem, donec odorem *Acidi nitrosi* emittere cesset.

Loco obscuro vel in vitro opaco servatur.

♂ OXIDUM HYDRARGYRICUM PRÆCIPITATUM. *Hyg*

Chloretum hydrargyricum corrosivum, Aquâ destillatâ solutum,

Solutione Hydratis kalici

præcipitatur, et præcipitatum cum superflua ejus quantitate digeritur, donec oxidum colorem habeat e rubro flavum. Tum colo colligendum et Aquâ destillatâ calidâ abluendum est, quamdiu hæc *Solutione Nitratis argentic*i turbetur, et caute siccatum in vase cooperto, opaco, servandum.

OXIDUM HYDRARGYROSUM. *♂*

Mercurius solubilis Moschati. *Hyg*

Rec. *Chloreti hydrargyrosi*, nondum siccati, quantum placet.

Solutionis Hydratis kalici majorem quantitatem, quam ad Chloretum decomponendum requiritur.

Solutioni, in lagenam inditæ, Chloretum sensim et inter agitandum additur. Oxidum nigricans, quod per quietem loco obscuro subsederit, *Aquâ destillatâ frigidâ* diligenter abluitur et in loco, accessum luminis defendente, inter chartæ plagulas caute siccatur. In vase clauso, opaco, asservatur.

OXIDUM STIBICUM.

Oxidum stibiosum.

Antimonium crudum pulveratum in vase e ferro fuso vel argilla lato, inter agitandum cum baculo figulino et cavendum, ne massa, calorem nimis augendo, liquefiat, uritur, donec odorem

Antimonoxid St.

Acidi sulphurosi emittere cesset et in pulverem cinereum conversum sit. Oxidum, hoc modo exortum, in crucibulo ignis ope liquatur; si autem liquescere recusat, in pulverem tenerimum teritur et cum *Antimonii crudi* pulverati vigesima vel sedecima parte commiscetur; quo facto, igne liquatur et liquatum effunditur, ut refrigescat.

OXIDUM ZINCICUM. *Zn.*

Rec. *Sulphatis zincici* libram. p. 1.
Solvitur in

Aquæ destillatæ libris viginti. p. 20.

Solutioni *Gase Chlori* saturatæ et dein, ad Chlorum fugandum, calefactæ additur sensim et caute solutionis *Sodæ depuratæ* parva copia, quamdiu hæc præcipitatum non album efficit. Tum, præcipitato colatione secreto, liquor clarus inter agitandum miscetur cum solutione e *Sodæ depuratæ crystallisatæ* libra (p. 1) et *Aquæ destillatæ* libris decem (p. 10) confecta. Præcipitatum, per quietem demissum, colo colligitur et probe eluitur; siccatum deinde et in pulverem contritum in catillo argillaceo tecto, calore non nimis aucto, candefit, donec residuum cum *Acido hydrochlorico*, Aquâ satis diluto, non amplius effervescat. Servatur in vase clauso.

OXYMEL.

Rec. *Aceti Vini* uncias quattuor, p. 1.

Mellis depurati uncias octo p. 2.

Miscentur.

OXYMEL

OXYMEL ÆRUGINIS.

Linimentum Acetatis cuprici.

- Rec. *Æruginis* tritæ uncias quinque, . . . p. 5.
Aceti Vini uncias septem, p. 7.
Mellis depurati uncias quattuordecim p. 14.

Lento igne, inter assiduam cum spathula lignea agitationem, ad spissitudinem unguenti decoquantur.

OXYMEL SCILLÆ.

- Rec. *Aceti Scillæ* uncias quattuor, p. 1.
Mellis depurati uncias octo p. 2.
 Miscentur.
-

PASTA ALTHÆÆ.

- Rec. *Althææ radiceis* incisæ uncias sex, . . . p. 6.
Aquæ destillatæ ferventis tantum,
 ut, post macerationem per horam, fiat colatura
 librarum sex (p. 72), quæ per diem noctemque
 seponitur. Liquidum deinde cautissime defunditur,
 in quo calefacto solvuntur

Gummi arabici pulverati libræ duæ cum
 dimidia, p. 30.

Sacchari albi pulverati libræ tres, . p. 36.
 omniaque post horas aliquot per pannum laneum
 trajiciuntur et, continue spathulâ ligneam agitan-
 do, evaporant in balneo vaporis ad mellis spis-
 situdinem. Massa, ab igne remota, agitur
 multum et celeriter, ut albescat; cui paulatim
 admiscentur

Ovorum albumina, in spumam quassata,
 viginti quattuor.